

laganna; sem lögákveðnar aukatekjur geta innheimtulaunin aldrei skoðast, enda 62 ættu þau þá að renna í landssjóð samkvæmt lögum um laun sýslumanna og 25. marz. bæjarfógeta 14. desbr. 1877, 1. gr.

2. Tekjur fyrir aukaverk presta eru beinar, lögákveðnar embættistekjur, sem taldar eru með í mati brauða og falla beint undir fyrirmæli laganna, því að upptalning sú á embættistekjum, sem stendur í 5. gr. þráttnefndra laga, er hvorki nje á að vera tæmandi.

3. Um borgun fyrir læknisverk er svipað að segja. Þó að slíkar tekjur væru ekki skattskyldar sem embættistekjur, þá eru þær, hvernig sem á er litið, atvinnutekjur, svo að það kemur ekkert við spurningunni um skattskyldu þeirra, hvort allar skattskyldar embættistekjur eru upp taldar í 5. gr. eða ekki.

4. Leigulaus afnot prestssetra eru, eins og þjer takið fram, beinar embættistekjur presta, en ekki tekjur, er stafa af landbúnaði. Niðurlag 5. gr. í tekjuskattslögunum getur því ekki átt þar við, heldur ber að greiða skatt af þeim arði, er leigulaus afnot prestssetursins nema, eins og af afgjaldi annara kirkjujarða, því að það getur engan mun gert, hvort leiguliði greiðir prestinum jarðarafgjald, eða presturinn tekur afgjaldið undir sjálfum sjer sem ábúandi.

Brjef landshöfðingja til amtmannsins í suðuramtinu og vesturamtinu 63
um flutning á þingstað. — Með þóknanlegu brjefi, dags. 26. þ. m., hafið þjer, 31. marz. herra amtmaður, sent mjer brjef sýslumannsins í Ísafjarðarsýslu, þar sem hann fyrir hönd hreppsnefndarinnar í Hólshreppi fer því fram, að þingstaður hreppsins megi eptirleiðis vera að Grundum í staðinn fyrir á Hóli, og hafið þjer mælt með því, að hið umbeðna verði veitt.

Út af þessu skal yður hjer með þjónustusamlega tjáð til frekari þóknanlegrar birtingar, að jeg veiti samþykki mitt til, að manntalsþing og hreppafundir fyrir Hólshrepp verði, að þar til fengna leyfi frá eiganda og ábúanda Grunda, haldnir að Grundum, og ber hreppsnefndinni að sjá fyrir eða útvega sæmilegt hús þar á staðnum til þinghaldanna.

Brjef landshöfðingja til amtmannsins í suðuramtinu og vesturamtinu 64
um flutning á þingstað. — Með þóknanlegu brjefi, dags. 26. þ. m., hafið þjer, 31. marz. herra amtmaður, sent mjer brjef sýslumannsins í Ísafjarðarsýslu, þar sem hann fyrir hönd hreppsnefndarinnar í Súðavíkurhreppi fer því fram, að þingstaður hreppsins megi eptirleiðis vera á Tröð í Álptafirði í staðinn fyrir á Súðavík, og hafið þjer eindregið mælt með því, að hið umbeðna verði veitt.

Út af þessu skal yður hjer með þjónustusamlega tjáð til frekari þóknan-

64 legrar birtingar, að jeg veiti samþykki mitt til, að manntalsþing og hreppsfundir 31. marz fyrir Súðavíkurhrepp verði, að þar til fengnu leyfi eiganda og ábúanda Traðar, haldnir á Tröð og ber hreppsnefndinni að sjá fyrir eða útvega sæmilegt hús, þar á staðnum til þinghaldanna.

65 **Brjef ráðgjafans fyrir Ísland til landshöfðingja um bann gegn**
2. apríl **innflutningi á lifandi skepnum frá Íslandi til Englands, Wales og Skotlands.** — Til frekari birtingar læt jeg ekki hjá liða að senda yður hjer með, herra landshöfðingi, hjálagt eintak af svo nefndri »*Animals (Amendment) Order of 1892, Nr. 3*«, er hin brezka stjórn hefir út gefið 22. f. m., og sem utanríkis-ráðaneytið hefur hingað sent, en í fyrirskipun þessari er bannið gegn innflutningi á lifandi peningi til Bretlands viðkað svo, að það meðal annars gripur yfir Ísland¹.

66 **Brjef landshöfðingja til stiptyfirvaldanna um lántökuleyfi**
5. apríl **handa prestakalli til kirkjubyggingar.** — Samkvæmt beiðni prestsins að Setbergi, J. V. Hjaltalíns, meðmælum hlutaðeigandi prófasts og tillögum stiptyfirvaldanna í þóknanlegu brjefi dags. 22. f. m., veiti jeg hjer með samþykki til, að tjeður prestur taki embættislán til endurbyggingar Setbergskirkju, er nemi 1200 krónum, og afborgist á næstu 20 árum með jöfnum greiðslum auk

1) Í nefndri fyrirskipun, er gefin er út af stjórn akuryrkjumálanna (Board of Agriculture), stendur: — — — — —

Innflutningur bannaður á skepnum frá löndum þeim, sem talin eru í öðru fylgiskjali.

2. — (1.) Þar til er stjórn akuryrkjumálanna skipar öðruvísi fyrir, má ekki landsetja á Englandi, Wales eða Skotlandi skepnur, fluttar frá neinu af löndum þeim, er talin eru í 2. fylgiskjali við reglugjörð þessa. (Í hinu tilvitnaða fylgiskjali eru talin þessi lönd: Noregur, Svíþjóð, Spánn, Portúgal, Ísland).

(2.) Reglugjörð um innflutning á skepnum frá 1886 skal gilda svo sem lönd þau, sem nefnd eru í öðru fylgiskjali við þessa fyrirskipan, væru innifalin í listanum yfir bönnuð lönd, er nefnd eru í fyrsta hluta fjórða fylgiskjals við nefnda reglugjörð frá 1886, og svo sem ekkert af þeim löndum, sem talin eru á 2. fylgiskjali við þessa fyrirskipan, væri talið í listanum yfir undanskilin lönd, er nefnd eru í fimmta fylgiskjali við nefnda reglugj. 1886. — — — — —

Fyrirskipun þessi öðlast gildi þegar eptir 31. dag marzmánaðar árið átján hundruð níutíu og tvö.

(Undirskr.) I. H. Elliott.

(L. S.)